

9. gr.

Eignina má einvörðungu leigja til íþróttaiðkana, sýninga og móta. Forgöngu til leigu hafa skólanemendur hreppanna og félagar Umf. Hauks.

10. gr.

Ræsting, umgengni og viðhald sé samkvæmt fyrirmælum íþróttanefndar ríkisins um íþróttamannvirki.

11. gr.

Daglegt eftirlit sé í höndum laugarvarðar, sem sér um, að vel sé um sundstaðinn gengið, að ræsting sé í góðu lagi og í laug hreint og hæfilega heitt vatn.

12. gr.

Hætti félagið störfum eða hreppsnefndir afsali sér eignarrétti sínum, skulu eigendur koma saman til fundar til þess að ákveða áframhaldandi rekstur og gera tillögur um breytingar á reglugerð. Á slíkum eigendafundi eiga sæti stjórn félagsins og hreppsnefndir. Hver eigandi fer með 3 atkvæði.

Afl atkvæða sker úr málum. Náist eigi samkomulag, sker íþróttanefnd ríkisins úr.

13. gr.

Reglugerð þessi er sett samkvæmt 10. gr. íþróttalaga nr. 49/1956 og öðlast þegar gildi.

Menntamálaráðuneytið, 31. ágúst 1964.

F. h. r.

Birgir Thorlacius.

Knútur Hallsson.

Staðfesting forsetans á skipulagsskrá fyrir Minningarsjóð Margrétar Bjarnadóttur frá Ísafirði, útgefin á venjulegan hátt að mandatum af dómsmálaráðherra 4. september 1964.

Skipulagsskráin er þannig:

SKIPULAGSSKRÁ

fyrir Minningarsjóð Margrétar Bjarnadóttur frá Ísafirði.

1. gr.

Sjóðurinn heitir Minningarsjóður Margrétar Bjarnadóttur. Hann er stofnaður af vinum og vandamönnum Margrétar Bjarnadóttur, og er eign Barnaverndarfélags Ísafjarðar, en með sérstöku reikningshaldi.

2. gr.

Stofnfé sjóðsins er kr. 17000.00 — sautján þúsund krónur — og má aldrei skerða höfuðstólinn. Fé sjóðsins skal ávaxtað hverju sinni á hæstu vöxtum í tryggri lánsstofnun.

3. gr.

Tekjur sjóðsins, auk vaxta, eru gjafir, framlög og áheit, er fyrirtæki, einstaklingar og félög láta af hendi rakna, en einnig getur stjórn sjóðsins aflað honum tekna. Skal allt slíkt fé lagt við höfuðstólinn.

4. gr.

Hlutverk sjóðsins er að styrkja börn, er þörf hafa fyrir dvöl á „Dagheimilínu“ á Ísafirði vegna veikinda aðstandenda og annarra örðugleika. Skal slíkur styrkur veittur árlega, og er heimilt að verja til þess hálfum ársvöxtum sjóðsins hverju sinni.

Þegar höfuðstóll sjóðsins er orðinn kr. 35000.00 — þrjátíu og fimm þúsund krónur — er stjórn sjóðsins heimilt að verja allt að hálfum ársvöxtum sjóðsins til annarrar barnaverndarstarfsemi á Ísafirði ef þörf og ástæða þykir til.

5. gr.

Stjórn sjóðsins skal skipuð 5 mönnum, og eiga sæti í henni einn ættingi eða venzlamaður Margrétar Bjarnadóttur, tveir aðilar, tilnefndir af öðrum stofnendum sjóðsins, og tveir tilnefndir af stjórn Barnaverndarfélagss Ísafjarðar. Ef venzlamanna Margrétar Bjarnadóttur og stofnenda sjóðsins nýtur ekki við, skal stjórn Barnaverndarfélagssins tilnefna alla stjórnendur sjóðsins.

Stjórn sjóðsins skiptir með sér verkum. Hún sér um reikningshald sjóðsins. Reikningsár sjóðsins er almanaksárið, og skulu reikningar endurskoðaðir af endurskoðendum Barnaverndarfélagss Ísafjarðar og lagðir fram til samþykktar á aðalfundi félagsins.

Stjórn sjóðsins skal halda gerðabók fyrir sjóðinn og færa í hana skrá um hina upphaflegu stofnendur sjóðsins, skipulagsskrána, fundarsamþykktir, styrkveitingar og annað, sem varðar hag og rekstur sjóðsins.

6. gr.

Leita skal staðfestingar forseta Íslands á skipulagsskrá þessari.

Ísafirði, f. h. Barnaverndarfélagss Ísafjarðar.

Ruth Tryggvason.

AUGLÝSING

um breyting á samþykkt Sjúkrasamlags Nórðfjarðarhrepps nr. 92 26. marz 1957 samkvæmt auglýsingu um staðfestingu á samþykktum sjúkrasamlaga í sveitum og kaupúnum nr. 56 28. marz 1957.

11. gr. 6. liður b. samþykktar orðist svo: Samlagið greiðir $\frac{3}{4}$ hluta flutningskostnaðar samlagsmanna til sjúkrahúss, ef sjúkraflugvél þarf til flutnings að dómi samlagsins.

Framangreind breyting staðfestist, samkvæmt lögum nr. 40 30. apríl 1963, um almannatryggingar, til þess að öðlast gildi 1. janúar 1964, og birtist til eftirbreytni öllum þeim, sem hlut eiga að máli.

Félagsmálaráðuneytið, 4. september 1964.

F. h. r.

Hjálmar Vilhjálmsson.

Gunnlaugur Þórðarson.